

CONVOCATORIA BECAIES 2022/2023

A AIE, Sociedade de Artistas Intérpretes ou Executantes de España, dentro do seu programa de Fondo Asistencial e Cultural, convoca para o curso 2022/2023:

105 BECASAIE de Formación ou Ampliación de Estudos Musicais, segundo a seguinte distribución:

- 12 BECASAIE cunha dotación de ata 600 € destinadas ás catro escolas da seguinte listaxe:
 - Aula de Música Moderna i Jazz Fundació Conservatori del Liceu de Barcelona. Dúas destas bolsas serán Becas Ricard Rosta
 - Escuela Fundación Cristina Hereen de Arte Flamenco (estas 4 bolsas poderán agruparse en 2 bolsas de 1.200 € cada unha)
 - Escuela de Música Joaquín Turina, Sevilla
 - Escuela Popular de Música y Danza, Madrid
- 44 BECASAIE cunha dotación de ata 600 € destinadas ás trece escolas da REEM distribuídas segundo a listaxe:
 - Escuela de Nuevas Músicas, Madrid
 - Estudio Escola de Música, Santiago de Compostela
 - Taller de Músicos, Madrid
 - Escuela de Música Creativa, Madrid
 - Taller de Músics, Barcelona
 - Escuela de Música Piccolo y Saxo, Logroño
 - Academia de Música Contemporánea, Madrid
 - Conservatorio Mayeusis, Vigo
 - Escuela de Música y Baile Presto Vivace, A Coruña
 - Jam Session Escuela de Música, Barcelona
 - Taller de Música Jove, Valencia
 - Escuela Superior de Música Progreso Musical, Madrid
 - Escuela de Música L'Interpret, Lérida

Grazas a estes acordos, todas estas escolas colaboran na dotación destas 56 BECASAIE, cunha achega en torno ao 40 % do importe total de cada bolsa. No caso de que a dotación total da bolsa non cubra o importe completo da matrícula, o/a bolsreiro/a deberá facerse cargo da diferenza. Máis información sobre as condicións específicas de cada Escola nas súas páxinas web.

- 44 BECASAIE de Formación ou Ampliación de Estudos Musicais destinadas a centros de ensino musical non oficial, tanto en España coma no estranxeiro de libre elección.
- 5 BECASAIE de Formación ou Ampliación de Estudos Musicais destinadas a **Socios da AIE maiores de 35 anos** para estudar en centros de ensino musical non oficial, tanto en España coma no estranxeiro de libre elección.

27 BECASAIE de Alta Especialización, segundo a seguinte distribución:

- 5 BECASAIE de 4.000 € para centros de ensino musical non oficial, tanto en España coma no estranxeiro (unha destas BECASAIE será destinada a estudos de Dirección de Orquestra).
- 4 BECASAIE de 4.000 € para a Escuela Superior de Música Reina Sofía, Madrid.
- 3 BECASAIE de 6.000 € para o Berklee College of Music (Boston, EUA).
- 1 BECASAIE de 4.000 € para o Conservatori del Liceu, Barcelona, destinada a estudos de grao superior regrados.
- 1 BECASAIE de 4.000 € para o Taller de Músics, Barcelona, destinada a estudos superiores regrados.
- 1 BECASAIE de 4.000 € para a Universidad Alfonso X El Sabio, Madrid, destinada a estudos superiores de música moderna e jazz.
- 2 BECASAIE de 2.000 € para a Jam Session Escuela de Música, Barcelona, destinada a Estudos Superiores de música rock.
- 1 BECASAIE de 4.000 € para a Escuela Superior de Música Creativa, Madrid destinada a estudos superiores de música.
- 3 BECASAIE para o Liverpool Institute for Performing Arts - LIPA de Liverpool (Reino Unido), cunha dotación de 1.000 €. Estas bolsas están destinadas a estudantes de Estudos Superiores, que xa superasen as probas oficiais de ingreso deste centro con arranxo ao calendario do mesmo. Para máis información: www.lipa.ac.uk
- 1 BECASAIE de Jazz Tete Montoliu de 2.000 €, para centros de ensino musical non oficial tanto en España coma no estranxeiro.
- 2 BECASAIE de 2.000 € cada una para Musikene, San Sebastián, destinadas a estudos superiores de música nas especialidades de Interpretación clásico e jazz.
- 3 BECASAIE de 1.350 € cada unha para a Escuela Superior de Música de Catalunya (ESMUC) destinada a estudantes do máster de Estudos Avanzados de Interpretación (MEAI) para instrumentos de música clásica e contemporánea.

6 BECASAIE de 300 € destinadas aos Cursos Internacionais Manuel de Falla, organizados polo Festival Internacional de Música y Danza de Granada, para alumnos activos que participen nos seguintes cursos:

- Academia Barroca del Festival de Granada
- Curso de análise musical
- Curso de canto
- Curso O cante jondo nas músicas actuais

A AIE concederá estas BECASAIE a alumnos non residentes en Granada, seleccionados por un tribunal creado expresamente para esta modalidade, e a súa concesión comunicaráselles aos solicitantes a partir do 3 de xuño de 2022. A súa dotación cubrirá os gastos de matrícula e estancia ata un máximo de 300 €. A organización dos cursos non proporciona aloxamento en Granada, este gasto debe sufrágalo o alumno directamente con cargo aos 300 euros da axuda. A AIE tramitará o pago das mesmas directamente cos destinatarios/as das bolsas.

Para beneficiarse das BECASAIE destinadas aos Cursos Internacionais Manuel de Falla, é requisito indispensable que o alumno sexa escollido como activo polo profesor correspondente, conforme as condicións dos cursos.

Máis información en: Tfno. 661 672 366 | <http://www.granadafestival.org>
[cursos@granadafestival.org](mailto: cursos@granadafestival.org)



1. REQUISITOS PARA OS SOLICITANTES

Poderá optar á concesión dunha bolsa calquera estudante ou profesional da música en activo, con independencia do instrumento ou modalidade obxecto de estudo, incluíndo a voz, dirección de orquestra ou as novas tecnoloxías. Tanto os estudantes como os profesionais deben ter a nacionalidade española, ou ben doutro país da Unión Europea ou dun país latinoamericano e ser residentes legais en España. Os solicitantes das BECASAIE de Alta Especialización deberán enviar, xunto coa súa solicitude e o resto da documentación, unha copia da súa declaración de Facenda máis recente ou, na súa falta, da dos seus pais ou titores.

2. PRESENTACIÓN DE SOLICITUDES

Para tramitar a solicitude, os interesados deberán cumprimentar o formulario de solicitude en liña e achegar a documentación que se solicita en www.aie.es/formación/becas-aie/

O prazo para presentar a solicitude e documentación finalizará o 22 de abril de 2022, ás 18:00 horas.

A AIE manterá a máis estrita confidencialidade sobre os datos achegados polos solicitantes.

3. SELECCIÓN

O estudo e selección das solicitudes correspóndelle á AIE, nomeando para ese efecto tribunais específicos compostos por profesionais de recoñecido prestixio, cuxos criterios de valoración terán en conta os méritos académicos e artísticos dos solicitantes, así como os seus plans educativos e profesionais. Para as bolsas de Alta Especialización, o tribunal convocará unha audición e/ou entrevista persoal aos candidatos que obtiveron a maior puntuación de cualificación.

4. NOTIFICACIÓN

A partir do 13 de xullo de 2022, a AIE informará aos solicitantes da concesión ou denegación da bolsa, excepto no caso das seis bolsas destinadas aos Cursos Internacionais Manuel de Falla, cuxa concesión se comunicará a partir do 3 de xuño.

5. CONCESIÓN

A concesión das bolsas é potestade da AIE, que reserva a facultade de retirar a bolsa a quen non cumpra cos requisitos adoptados.

6. OBRIGAS DOS BOLSEIROS

Cumprir as condicións que figuran nestas bases. Aceptar por escrito a bolsa concedida, unha vez remitida pola AIE a comunicación oficial da concesión. De non producirse esta aceptación antes da data que se indique na mesma, entenderase como unha renuncia implícita á bolsa. Os bolseiros de Alta Especialización comprometeranse por escrito a participar nun concerto organizado pola AIE.

É requisito indispensable para os bolseiros de Alta Especialización non estar en posesión dunha bolsa doutra entidade.

7. PAGAMENTO DAS BOLSAS

No caso das BECASAIE destinadas a escolas de libre elección, é condición indispensable que os gastos de educación ascendan, polo menos, a un 60 % do importe da bolsa.

No caso das BECASAIE destinadas ás escolas coas que a AIE ten establecido un acordo de colaboración, a AIE tramitará o pago correspondente ás bolsas directamente co centro de estudos.

Todas as cantidades citadas correspondentes ás dotacións das bolsas son brutas e quedan suxeitas á aplicación da normativa fiscal vixente.

Debe consultar as bases completas da convocatoria de BECASAIE 2022/2023 en www.aie.es/formación/becas-aie

becas aie

BECASAIE
de formación
o ampliación
de Estudos
Musicales y de
Alta Especialización



2022/2023

SOCIEDAD DE ARTISTAS Intérpretes o Ejecutantes